

Der Sönē / doch vil die ansehen die gegenwertigkeit des Mars  
in der Wage / die zeit der erscheinung des Cometē / werde sagen  
diesen Cometen erscheinen vnder der wage / das dan wol mug-  
lich mag sein nach gelegenheit der land vnd stedt / doch ist die er-  
farung ein meinsterin der warheit.

## Das Drit Capitel Von Betütung vnd Wirkung des Cometen.

**N**ach dem diematerlich vn-  
wircklich vrsach diß Cometē ist ein warmer vnd  
druckner dunst als dan gesagt ist So ist war-  
lich zusagen das dieser Comet sey ein wirckliche  
vrsach grosser vngestymmer wynde der drucken-  
heit des ertrichs / zerstörung der frucht / Streit / wyderwertigkeyt  
Den dodt Künigen vnd Fursten auch andern großmechtigen /  
welchs die naturlichen Philosophi also bewerē / Die naturliche  
dunst also in die luft erhabē: wie vor gesagt ist: mit alweg begreu-  
fen sein die obersten region der luft sund sie werden wyder hyn  
ab geschlagen von der groben kalten luft der mitteln region od-  
der vndersten / vō welcher wyderschlagung bewegt wirt dy luste  
durch welch beweglichkeit sich die wynd erhebe / vnd nun so der  
warm wynd verhyndern ist den regen wirt die erden dürz vnd  
drucken vn alle irdischen ding / vn solich groß dürze vn druck-  
ner luste leßt kein frucht wachsen wan sie mußen han die feuch-  
tigkeit / darumb nit vnbillich dieser Comet zerstörung der frucht  
zeigen ist Auch so ist die durre oder druckenheit ein anfang der  
feyrlichten hytz / die do im menschen meren ist Coleram vnd ire-  
scherpff / welch bewegt den menschen zu zorn / vn der zorn ist ein  
vrsach der zweytracht / die zweytracht ein vrsach des Streits / d-  
Streit ein vrsach des dots / der Künig Fursten vn d großmech-  
tigen / wan das leben sted in getemperirter wärm vn feuchtig-  
keit vn nicht in druckner vn feuriger wärm So sein die Künig  
Fursten vn der Adel subteiler cōplexion / darüb sie leichter sey-  
den in yrer natur vn cōplexio dan ander menschen / Darumb  
so wirt dieser Comet mer gesprochen ein vrsach des dots der Kün-  
ig Fursten ꝛc. Es schreibt auch Albumasar im funften buch d